

Onisiny 19

1. Nowa el daala gaal ka dalledheka he mi maya?

-Yu ubaa itin isham kuna kisoka.

2. Isham kuna kisoka he Waa`g og?

-Ii.

3. Isham kuna kisoka hate Waa`g og?

-Isham kuna kisoka Waa`g ogela gaal kiso karoka bie Waa`g hi gaal hi badisowa gaal roreka gey.

4. Karo bie Waa`g hi gaal hi badisowa gaal roreka geyela he meete?

-Karo gaal roreka geyela, Waa`g hat adab nebka `daa ginala `du gaa Nowa ubaa galle takama ka `gidhe, gaal eiy taaka lulle Waa`g hi badisicha.

5. He eiy taaka isham kuna Waa`g ogela hate yie?

-Isham kuna Waa`g ogela, chala tielle Waa`g hi geycheka.

6. Chala tielle isham kuna Waa`g hi geychela he meete?

-Waa`g `daa giri gaalat gielka, he bie bii badisowa get ma ka egeny.

7. He eiy taaka isham kuna Waa`g ogela hate yie?

-Isham kuna Waa`g ogela, ur, waaro ubaa `guoro ta war he lulle Waa`g hi geyche.

8. Ur, waaro ubaa `guoro ta war meete Waa`g hi isham kuna geyche?

-Waa`g takama Waa`g, gaalat lulle Waa`g elga vero.

9. Isham kuna kisoka Waa`g oyta, gaal burneyka he Waa`g ii yie?

-He muniny.

-Isham kuna kisoka gaal taata takama Waa`g ii yie.

10. Isham kuna kisoka Waa`g el ma gaa verinyela meete elga vere?

-Isham kuna kisoka he elga vereka Satan ubaa mi wodho le ta tawiny le.

11. Satan isham kuna meete geyche?

-Satan isham kuna he aadho, `gui, ubaa hidhino he shicho shiwo chie, geyche.

-Satan isham kuna he `guoro, war, ta gaal kufeka shicho shiwo chie, geyche.

-Isham kuna `guoro hat galaat ta aany almichle gaal hi tagnana, waasel heela gaal hi shicho shigia.

12. Waa`g gaalat lulle al tigid yedianka ma fe`dinyala `daa mare?

-Waa`g gaalat lulle al tigid yedianka ma fe`dinyala gaalat adable hai gudandhe.

13. Gaalat les Babel `bil `derka gaa `dise fe`dola `daa mare?

-Gaalat `daa giri sum gofiya.

-Gaalat menyle ya ka `deduya he fe`de.

14. Gaalat `bil `derka `di`diseka he Waa`g he argiye?

-Ii.

15. Waa`g he gaalat tawinyle lulle he og?

-Ii.

-Mu tigid ubaa ma tawinyka, he tawinyle he Waa`g hi og.

16. Waa`g he gaalat he wol gedioka he lulle og?

-Ii.

-Mu tigid hatle `dee ma wonka, `deenyle wogodhuwa lulle Waa`g hi og.

17. Waa`g gaalat he lulle tagnanoka he og?

-Ii.

-Mu tigid hatle hujich tagmaninya, he le tagnanoka he lulle Waa`g hi og.

18. Waa`g gaalat in hai ka bada?

- Waa`g gaalat he le tab`do`dotka he in ma ka badany.
- Waa`g gaalat he le wogodhoka he in ma ka badiny.
- Waa`g gaalat he le tagnanoka he in ma ka badany.

19. Waa`g meete gaal ki mu`da?

- Waa`g af hatle wol ka eiye gaal shiche. Aaleka gaalat wol af ma maaliny.

20. Waa`g gaalat lulle afle hatle wol ka eiye gaal shicheka waasel, meete tagniye?

- Waa`g gaalat lulle afle hatle wol ka eiye shicheka waasel, gaalat les eiy ki lay.

21. Isham kuna hate yie daala ka gure?

- Waram burneyka el daala isham kuno `daa tigid gas ki gure, `daa tigid kadich ki gure.

- Nowa el daala isham kuna Waa`g met ma kinya ubaa Babel `bil `derka gaa dise.

- Gaal kinaala Satan wodhole elga vere, he Waa`g `du le el ma ga veriny.

- Gaal kinaala Waa`g hai, girichle elga vere.

- Isham kuna Waa`g hai ka, Waa`g raya bisichoka hai haiche?

- He ma hainy.

- Isham kuna Waa`g hai ka, Waa`g maa bisachiet ale gaa kakayoka hai haiche?

- He ma hainy.

- Waa`g he tago yu nana chieka, bar lulle tag hai naniya.

- Eden gere Waa`g maa bisachiet ale gaa kakayoka he mi Adam ubaa Hewan gey.

-Waa`g hele woteka he ma diny.

-Waa`g maa bisachiet hatle ale gaa kakayoka he Sedh, Enok ubaa Nowa gey.

-Waa`g hele woteka he ma diny.

-Isham kuna Waa`g hai ka, Waa`g maa bisachiet ale gaa kakayoke he ma diny.

-Isham kuna Waa`g hai ka, Waa`g gaalat adable gaa bisichoka maa bisachiet mi ale gaa kakayoka mi fe`de.

-Isham kuna Waa`g hai ka, Waa`g gaalat kufach bisichoka maa bisachiet mi ale gaa kakayoka mi fe`de.

-Isham kuna Waa`g hai ka, gaalat Satan bisichoka maa bisachiet ale gaa kakayoka mi fe`de.

-Waa`g maa bisachiet ale gaa kakayoka, gaalat hi ririyanka he uro?

-He ma uriny,

-Waa`g maa bisachiet ale gaa kakayoka, Satan hi ririyanka he uro?

-He ma uriny.

-Waa`g maa bisachiet ale gaa kakayoka, Satan arjanle hi ririyanka he uro?

-He ma uirny.

-Waa`g maa bisachiet ale gaa kakayoka, ma ririyanka maya?

-He man.

-Waa`g maa bisachiet ale gaa kakayoka mu`deka, maa mi ririyanka he man.

-Isham kuna `daa giri Waa`g hai ka, Waa`g maa bisachiet hidhle mu tigid mi chida, mi mure.

-Waa`g maa he chiretika Abiram gaal hi yedhe.

-Waa`g maa bisachiet ale gaa kakayoka Abiram hidhle ye gaa `deeme.

-Waa`g Abiram hidhle maa bisachiet ye gaa dedichola `daa mare?

-Waa`g Abiram chiretela `daa giri Abiram adab tagmaninya?

-He muniny.

-Abiram he adab `guo.

-Abiram he Adam hidhle.

-Abiram adab ki dallidhe.

-Waa`g hate yie Abiram chirete?

-Abiram Waa`g hat saas manka ii yie.

-Abiram hat adab `guoka ii yie.

-Abiram adable he ki muritle hat kufach ka ii yie.

-Abiram adable maa gaa bisioka hat Waa`g takama ka ii yie.

-Abiram hat Waa`g maa bisachiet ale gaa kakayoka, ii yie.

-Abiram `daa giri Waa`g ii yie ka, Waa`g mi in hidhle maa bisachiet mi ale gaa kakayoka mi chide.

-Abiram meeny `jjiale Tera gaal hi yedhe.

-Tera he Shem hidhle.

-Um Nowa met le hate yie?

-Shem, Ham, ubaa Yafedh.

-Abiram Nowa umle Shem hidhle.

Erkob 11:27 & 29-30 ki toyo

27-Heela Tera `bil ile. Tera Abiram, Nayor, ta Haran `dale. Haran Loot `dale.

29-Abiram ubaa Nayor hulale deg eedhe. Abiram minle meenyle Saray. Nayor minle meenyle Milika, giri ini Haranka. Haran hadale Milika ubaa Yisika.

30-Saray he veel manaye, he `dal man.

-Kulich tigid Abiram min eedhe.

-Abiram minle eedheka meenyle Saray.

-Abiram ubaa Saray hi um manay.

-Abiram ubaa Saray um ma dalinyela `daa mare?

-Saray `daa giri dege`de ka.

-Abiram ubaa Saray enyle meenyle Ur.

-Eny Ur Waa`g ubaa `du le ii ma yegen.

-Eny Ur Satan ubaa wodhole elga vere.

-Ur galle he tag `deew.

-Abiram hatle Ur gaa ijeka, Waa`g hi wol argisiche.

-Waa`g Abiram ataala chie.

Erkob 12:1 ki toyo

1-Aale Yoowa Abiram gey, kieye, Lesku gaa ke. Gaalku ubaa eny `jiaku hash, les yu ko argisuoka me na.

-Waa`g Abiram meete tagna chie geyche?

-Waa`g Abiram he geycheka, lesku hash, les yu ko argisowa me na chie, geyche.

-Abiram lesle Ur ha`du seseenela, Waa`g hi geychela `daa mare?

-Ur galle Waa`g ubaa `du le ii ma yen.

-Ur galle `daa giri Satan ubaa wodhole elga vereka.

-Waa`g gaal hi ii yie ka mi wol eiy gaa naata.

-Waa`g Abiram hate yie geyche?

-Waa`g Abiram af le ki geyche.

-Waa`g Abiram af le ki geychela, af kinaala wargat Waa`gieta he mai veriya man.

-Waa`g kulich heela hate yie mu gaal gedicha?

-Kulich heela Waa`g he gaal af le ma ki gediny.

-Kulich heela Waa`g wargatle saas mana gaal ki gedicha.

-Waa`g `deenyle ki ma maloka mu wargatle ki toyo, ki gaa mala.

-Wargat Waa`giet ki toyoka, Waa`g hele gaal gedichoka ha ki mala.

-Waa`g Abiram geycheka ka mu meete chie?

-Waa`g Abiram geycheka ataala he chie.

Erkob 12:2 ki toyo

2-Yu e meeny gudoka ha ko hodia, ha yu ko `du `je`jeme, meenyku ha yu `derneye. Gaalat `du `jimle yu `du `jeenka `daa kua ka naata.

-Waa`g Abiram meete geyche?

-Abiram gaal burney hidhle midhaba hai yu ko shigia, Waa`g hi chie.

-Af kinaala Abiram ubaa Saray umle mia?

-He veel man.

-Abiram ubaa Saray um manayela `daa mare?

-Abiram minle Saray `daa giri dege`deka.

-Abiram ubaa veel mananyka hidhle hat burnowka Waa`g hi geyche.

-Waa`g hat Abiram `du `jenka mu geyche.

-He eiy taaka Waa`g hi Abiram geycheka ba ki toyo

Erkob 12:3

3-Gaal ko `du `je`jenka, ha yu `du `je`jeme. Gaal ko `do`doroka ha yu `doro. E meet lulle les gaa idoka `du`jimle yu `du `jenka `daa kua ka naata, Yoowa hi yie.

-Waa`g Abiram gaal hi `du `je`jenka hai `du `jene, gaal he `do`doroka hai `do`do chie, geyche.

-Waa`g Abiram hidhle mu tigid `daa le gaalat lulle hai `du`jene chie, geyche.

-Waa`g Abiram hidhle mu tigid gaalat lulle hat `du`jenka, `deeny he woteka he lulle `du gudo, `du midhab.

-Abiram hidhle mu tigid gaalat lulle `du `jenka he maya?

-Maa bisachieta.

-Maa bisachiet kayimetala meete tagnana?

-Maa bisachiet kayimetala adab fargogintle hai ka adadha.

-Maa bisachiet kayimetala kufach fargogintle hai ka adadha.

-Maa bisachiet kayimetala Satan fargogintle hai ka adadha.

-Maa bisachiet kayimetala Waa`g ubaa gaalat get wol fafa.

-Maa bisachiet Satan hai ka adadha ubaa gaalat bii gaa ijoka lulle hai `du `jeme.

-Abiram `deeny Waa`g he woteka he ii yie?

-Ii.

-Abiram Waa`g hat wodho manka ii yie.

-Abiram Waa`g hat `deeny `duwaka takama wogotoka ii yie.

-Waa`g Abiram geycheka, waasel Abiram meete tagniye?

Erkob 12:4-5 ki toyo

4-Aale Abiram hat Yoowa hi geyka ii yie, kie, Loot hol eedhe. Abiram Haran gaa kekemeka, waramle tomon tiya a chen.

5-Abiram minle Saray eedhe, mu iny nyarle Loot, ta ubaa gede mui Haran gaa argeka shune. Gaal aany `daane, gaal he lulle `gieka shune. Gaal gure, les Kanan me nie.

-Abiram lesle gaa ijeka hai, les Waa`g hi argisicheka me nie.

-Waa`g Abiram les mere argisiche?

-Waa`g Abiram les kana gaal hi Kanan yegetka argisiche.

-Hibisiny gedoka Abiram les Kanan hele hi me gaa `jieka ba ki ne kuo.